

# Ilageeqarneq pillugu Inatsisartut inatsisaannik allanngortitsineq pillugu Inatsisartut inatsisaat (Ajoqinik aamma pattattunik ilinniartitaanernik aaqqissuussinerit aamma nipangiusimasassanik ilisimatitseqatigiiffusumik oqaaseqaatissanullu tunngasunik il.il. ataatsimiittarnerit)

## § 1

Inatsisartut inatsisaat nr. 9, ulloq 19. maj 2010-meersoq, allanngortinneqartoq Inatsisartut inatsisaatigut nr. 2, ulloq 29. november 2013-imeersukkut, imaattunik allannguuteqartitsisoqassaaq:

1. § 20, *imm. 1*, oqaaseqatigiit siulliit imatut oqaasertalerneqassapput:

”Palasip atuagarsuarnik allattuisuusup nakkutigisarissavai oqaluffiup illutai toqusut inaat ilanngullugu.”

2. § 20-imi, *imm. 3*-tut ikkunneqassaaq:

”*Imm. 3*. Naalakkersuisut nakkutilliinermut malittarisassiorsinnaapput.”

3. § 25, *imm. 2*, imatut oqaasertalerneqassaaq:

”*Imm. 2*. Biskopip ajoqinik ilinniartitsinermit aaqqissuussineq aalajangersartassavaa, tamatumani aamma pikkorissaasarnermut ataatsimiititaliaq, ilinniakkamut isernissamut piumasaaqatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalakkersuisunut akuersissutigisassatut nassiuttassavaa.”

4. § 26, *imm. 2*, imatut oqaasertalerneqassaaq:

”*Imm. 2*. Biskopip pattattunik ilinniartitsinermit aaqqissuussineq aalajangersartassavaa, ilinniakkamut isernissamut piumasaaqatit aamma ilinniakkap imai aamma annertussusia, kiisalu ilinniagaqarsimanermut allagartat. Biskopip ilinniakkamik aaqqissuussineq Naalakkersuisunut akuersissutigisassatut nassiuttassavaa.”

5. § 26 *e*-mi *imm. 1*-ip kingorna immikkoortutut nutaatut ikkunneqassaaq:

”*Imm. 2*. Ilisimatitseqatigiiffusunik ataatsimiinnerit tamanut ammasuunngillat. Ataatsimiinnernit imaqarniliaasinnaasut allattugaatillu isertuussassaapput.”

*Imm. 2 taamaasilluni imm. 3-ngussaaq.*

**6. § 26 f**-imi ikkunneqassapput *imm. 1*-ip kingorna nutaatut immikkoortutut:

” *Imm. 2.* Ilagiit sinniisaasa oqaaseqaateqareerneranni, sulili biskoppi Naalackersuisunut *imm. 4* naapertorlugu inassuteqaateqanngitsoq qinnuteqartup qinnuteqaatini tunuartippagu, nutaamik oqaaseqaateqarnissamut ataatsimiinnermik ingerlatsisoqassaaq.

Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.

*Imm. 3.* Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

*Imm. 2 taamaasilluni imm. 4-nngussaaq.*

**7. § 26 j**-imi *imm. 1*-ip kingorna immikkoortutut nutaatut ikkunneqassaaq:

” *Imm. 2.* Ilisimatitseqatigiiffiusumik ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

*Imm. 2 taamaasilluni imm. 3-ngussaaq.*

**8. § 26 k**-mi *imm. 1*-ip kingorna nutaatut immikkoortutut ikkunneqassapput:

” *Imm. 2.* Qinnuteqartup qinnuteqaatini utertippagu, ilagiit sinniisaasa oqaaseqaateqareerneranni aammalu biskoppi sulii Naalackersuisunut inassuteqaateqanngitsoq *imm. 4* naapertorlugu, nutaamik oqaaseqaateqarnissamut ataatsimiinnermik ingerlatsisoqassaaq. Qinnuteqartoq qinnuteqaammik utertitsisoq oqaaseqaateqarnissamut ataatsimiinnermi siullermi taaneqarsimangippat nutaamik oqaaseqaateqarniarluni ataatsimiinnermik ingerlatsisoqassanngilaq.

*Imm. 3.* Oqaaseqaateqarniarluni ataatsimiinnerit tamanut ammasuunngillat. Ataatsimiinnernit imaqarniliortoqarsimappat allattuisoqarsimappalluunniit, taakkua isertuussassaapput.”

*Imm. 2 taamaasilluni imm. 4-nngussaaq.*

## § 2

Inatsisartut inatsisaat atortuulerpoq 1. januar 2019.

*Imm. 2.* Ilutigisaanik atorunnaarput Namminersornerullutik Oqartussat nalunaarutaat nr. 15, 26. april 1985-imeersoq, Kalaallit Nunaanni ajoqissat ilinniartitaanissaannut tunngasoq aamma Kalaallit Nunaanni organistit ilinniartitaasalernissaannik Namminersornerullutik Oqartussat nalunaarutaat nr. 26, 1. december 1987-imeersoq.

*Namminersorlutik Oqartussat, ulloq 3. december 2018*

Kim Kielsen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut